

修訂日期: 2006/04/12 發行日期: 2007/3/7

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 32, No. 1643

原始資料: 蕭鎮國大德提供, 維習安大德提供之高麗藏 CD 經文, 北美某大德提供

No. 1643

尼乾子問無我義經

馬鳴菩薩集

西天譯經三藏朝散大夫試鴻臚少卿宣梵大師賜紫沙門臣日稱等奉 詔譯

爾時尼乾子等。心懷異見發起疑惑。尋求往詣解大乘者所。到已作禮合掌恭敬。問無我義使除暗鈍。如佛所說為我開示。若說此身無有我者。彼最上我亦無所有。何故身中現見啼笑嬉戲忿怒我慢嫉妬兩舌等事。於有於無不能決了。唯願仁者為我除斷。解大乘者謂尼乾子言。汝先所執最上我者。決定虛妄。以何名有以何名無。於此二中都無所得。若以自身髮甲皮肉筋骨脂髓腸胃手足一切身肢。為最上我。內外尋求何有可見。時尼乾子白智者言。我以肉眼故不能見。餘有天眼彼可得見。智者曰。亦非天眼之所能見。彼非顯色亦非形色。自性空故。何有可見。尼乾子言。彼定無耶。智者曰。若說無者。云何現見。從因緣生啼笑等相。或說為有。或說為無。二皆邪妄。非其正理。尼乾子言。若有若無俱不應說。如何此身現有所住。智者曰。無有少分見所住相。尼乾子言。若無住著即同虛空。智者曰。如汝所說如虛空故。尼乾子言。若爾啼笑等相當云何遣。智者曰。於是義中而有二種。一者世俗。二者勝義。依世俗說。則有自他命者士夫補特伽羅作者受者財寶妻子親眷朋屬。如是差別。依勝義說。則無自他命者乃至朋屬等事。亦無少分差別等相。若世俗說。則有生滅善惡果報。若勝義中。則無生滅善惡果報。彼真如法自性清淨。無有煩惱無有染污亦無覺了。本來寂靜。此說是名真如自性。重明此義以偈頌曰。

世俗勝義諦	二種今當說
世俗即世法	勝義無過上
有情依世俗	增長於煩惱
久處於輪回	不了勝義法
由依世俗故	自他生遍計
起分別疑惑	而受諸苦惱
彼愚癡凡夫	長時受逼迫
不修出離因	何知解脫理
愚人常依止	世間生滅法
馳流五趣中	相續而不斷

由不達勝義
展轉受輪迴
亦如於日月
眾生三有中
諸行悉無常
遠離世俗法
乃至住諸天
不免彼無常
夜叉鬼神等
不免墮惡趣
帝釋轉輪王
不免墮傍生
人天五欲樂
於彼菩提心
自性無所著
超越所戲論
非剛非柔軟
非觸非執受
非長及非短
非微細非麤
非白及非紅
非形色顯色
非色非光明
非住如虛空
離思惟觀察
與般若相應
無似無對待
自性本凝然
如聚沫浮泡
無我亦無常
是身如坏器
與三毒相應
如月處雲中
以甚深般若

則無滅苦要
如蠶自纏縛
旋轉無休息
來往亦如是
剎那而遷變
當求勝義諦
及乾闥婆等
此皆世俗果
得持明成就
此皆世俗果
福報無與等
此皆世俗果
決定當棄捨
以惠常觀察
一切悉皆空
是菩提心相
非熱亦非冷
是菩提心相
非圓亦非方
是菩提心相
非黑亦非黃
是菩提心相
非動非纏縛
是菩提心相
非外道境界
是菩提心相
無等常寂靜
是菩提心相
如幻化陽焰
一切非堅固
虛幻而充滿
畢竟空無有
剎那而不現
達有為如幻

眾生器世間	一切皆如夢
由自心分別	彼心亦如夢
若人依正理	以惠而修習
棄背諸障染	速得無上道
此最勝般若	諸佛所稱讚
智者善籌量	勤求無上法
離有為過失	證真常勝德
由此解脫故	一切無染著
時彼外道眾	聞已生歡喜
善觀察除疑	得悟大乘智

尼乾子問無我義經